

## ***Getxoko Udalean Gizarte Larrialdietarako Laguntzen onuradunek bete beharreko baldintzak eta laguntzak emateko irizpideak.***

- 1. Sarrera***
- 2. GLLak emateko irizpideak.***
- 3.-Berariazko gastuak***
- 4. Eskaerak aurkezteko epea.***
- 5.. Eskaerak eta dokumentazioa***
- 6. Ebazpena eta jakinarazpena***
- 7. Laguntza justifikatzea***
- 8 Erreferentziako legeria***
- 9. Eranskinak***

### **1 Sarrera**

Diru-sarrerak Bermatzeko Euskal Sistema prestazio ekonomikoen eta laguntzen multzo bat da, adin aktiboan dauden eta beren eta beren familien premiei erantzuteko diru-sarrera nahikorik jasotzen ez duten pertsonentzat.

14/2022 Legeak, abenduaren 22koak, Diru-sarrerak Bermatzeko Euskal Sistemari buruzkoak, bi helburu ditu. Alde batetik, diru-sarrerak bermatzeko sistemak eskaintzen dituen prestazio ekonomikoen estaldura eta sarbidea hobetzea, eta, bestetik, lan- eta gizarte-bizitzan moldatzeko zailtasunak dituzten euskal herritarrek gizarte-zerbitzuetarako eta enplegurako sarbidea hobetzea, prestazio ekonomikoen (DSBE eta BGDS) eta laguntzen (GLL) arteko bereizketa kontzeptuala eginez, araubide juridiko desberdina baitakarte berekin, lehenengoak eskubide subjektibo gisa kategorizatzeari lotuta, eta GLLak, berriz, dirulaguntzak dira.

Arau-esparruaren osagarri dira maila bereko edo beheragoko beste xedapen batzuk, hala nola:

a.- 3/2015 Legea, ekainaren 18koa, Etxebizitzarena, etxebizitza bat bizitzeko premia gisa gozatzeko eskubidea arautzen duena, bigarren xedapen gehigarria izan ezik.

b.- 19/2021 Legea, abenduaren 20koa, Bizitzeko Gutxieneko Diru-sarrera ezartzen duena

c.- 147/2023 Dekretua, urriaren 10ekoa, etxebizitza bat okupatzeko eskubide subjektiboari buruzkoa.

Aipatutako araudian oinarrituta, dokumentu honetan ezartzen dira Getxoko Udalean aurkezten diren GLL eskaera guztiak izapidetzeko udal-irizpideak.

## **2. Irizpideak**

### ***2.1 Onuradunen betebeharrak.***

GLLen eskatzaileek aurreko urteetako GLLen justifikazioen berri izan beharko dute eta/edo ez dute zorrik izan beharko Udalarekin kontzeptu horrengatik betearazpen-bidean.

Pertsona batek aurreko urteetako justifikazioak egunean dituela ulertuko da, baldin eta, laguntza osoa justifikatu ez badu ere, justifikatu gabeko zatia borondatez itzultzeko eskatu badu edo jada adostutako zorra zatikatzeko eskatu badu.

Arau orokor horretatik kanpo geratzen dira:

a.- kontzeptu hauengatik egindako eskabideak: errentamendua, etxebizitza berri bat instalatzearekin lotutako aparteko gastuak, hipoteka-mailegua, mantentze-lanak, energia eta oinarritzko premiak (kontzeptu hori soilik eskaera egiten den unean eskatzaileak hilean 300 €baino gutxiagoko diru-sarrerak baditu). Eskaera horiek beti izapidetuko dira, eskatzaileak aurretik zorrak izan ala ez.

b.- altzariak, konponketak eta instalazioak eta lehen mailako premiak ordaintzeko eskabideak, eskatzaileak dagoeneko eginda baldin bazeukan egindako gastua.

Ez dute zerga-betebeharretan eta Gizarte Segurantzarekiko betebeharretan egunean egon beharrik izango Dirulaguntzei buruzko azaroaren 17ko 38/2003 Lege Orokorraren 13.2 e) artikulua GLLen onuradunek.

Salbuespen horren oinarria GLLen izaera bera da; izan ere, gizarte-bazterkeriako egoerak prebenitzea, saihestea edo arintzea dute helburu, biztanleriaren benetako premietan oinarrituta.

## **2.2 Urteko eskaeren muga:**

GLLak urtean behin eskatu eta emango dira.

Bigarren GLL bat izapidetu eta ebatzi ahal izango da, baldin eta GLLetan aurreikusitako premietako bat sortzen bada edo bizikidetzaren unitatearen egoera ekonomikoa, errolda-egoera edo bizileku-egoera aldatzen bada.

Era berean, GLLak EPEaren ebazpenaren zain egon bitartean eskatu dituzten eta laguntza hori ukatu zaien pertsonen bigarren GLL bat eskatu ahal izango dute alokairuagatik, eta kasu horretan ez da eskatuko egindako gastua edukitzea.

Bigarren eskaeren kasuan, altzarien eta etxetresna elektrikoaren eskaeretan, etxe barruko konponketetan eta oinarritzko beharretan egindako gastuaren egiaztatzea soilik aurkeztu beharko da.

### **2.3 Urteko kontzeptuen muga:**

izikidetzaren unitate bakoitzeko gehienez ere 3 kontzeptu eman ahal izango dira, salbu eta GLLen eskaeran 3. eta 4. ataletan jasotako gastuak eskatzen badira (ohiko bizitokia, etxebizitza eskuratzeko ezohiko gastuak, energia-gastuak eta etxebizitzaren mantentze-gastuak), horiek 4 kontzeptu eskatu ahal izango baitira.

### **2.4 Bizikidetzaren unitateen muga:**

Etxebizitza berean bizi diren bizikidetzaren unitateei gehienez ere bi gizarte-larrialdietarako laguntza eman ahal izango zaizkie.

### **2.5 Laguntza jaso dezaketen zenbatekoak:**

Eskaera bakoitzari esleitu dakiokeen zenbatekoa honako hau izango da: eskatzailearen eta bizikidetzaren unitateko gainerako kideen diru-sarreraren arabera kalkulaturako ehuneko bat aplikatzearen emaitza, bai eta unitate hori osatzen duten kideen guztizko kopurua ere, artikuluan honetan kontzeptu bakoitzerako ezartzen den gehieneko zenbatekoaren gainean, edo benetako gastuaren zenbatekoaren gainean, kontzeptu bakoitzeko gehieneko zenbateko hori baino txikiagoa bada, gizarte-larrialdietarako laguntzak arautzen dituen Dekretuaren 10.2 artikuluan adierazitakoarekin bat etorriz.

### **2.6 Gizarte-larrialdietarako laguntzen izaera subsidiarioa:**

GLLen onuradunek edo haien bizikidetzaren unitateko kideek, aldezturik, legokiokeen eduki ekonomikoko edozein baliabide edo gizarte-prestazio publiko eskatu beharko dute.

3 urte baino gehiago badaramazu Etxebiden izena emanda, Eusko Jaurlaritzan eskatu behar dituzu Etxebizitzarako Eskubide Subjektiboa eta Etxebizitzarako Prestazio Ekonomikoa.

### **2.7 Erroldatze-egoerak:**

Erroldatze soziala baimendu zaien eta Auzitegi Gorenarekin aldizkako jarraipena egiten ari diren pertsonak bizikidetzaren unitate independentetzat hartuko dira, eta etxebizitza-kontratua aurkezteko betebeharretik salbuetsiko dira, eta, horrela, GLLak eskuratzeko aukera izango dute, premia primarioen kontzepturako.

Eskaera egin aurreko 6 hilabeteetan Getxoko udalerrian erroldatuta egon ez den pertsona batek egiten badu eskaera, lehenago erroldatuta egon den udalerriko errolda-agiria eskatuko zaio. Halaber, ziurtagiria eskatuko zaie, udalerrri horretan urte horretan GLLak jaso dituzten ala ez adierazten duena.

## **2.8 Gizarte-larrialdietarako laguntzen bateraezintasunak**

1.- EGPOrekiko bateraezintasuna: GLLak jasotzea honako kontzeptu hauengatik:

- ✓ lokairurako,
- ✓ Interesen eta kredituen amortizazioaren ondoriozko gastuak.
- ✓ Energia-gastuak.
- ✓ "linea zuriko" altzari eta etxetresna elektrikoaren gastuak  
Etxebizitza egokitzeko, konpontzeko eta/edo oinarritzko instalazioak egiteko gastuak.
- ✓ Etxebizitza erabiltzeko eta mantentzeko beharrezkoak diren beste gastu batzuk eta etxebizitza berri batean instalatzearekin lotutako aparteko gastuak, hala nola fidantza, alta horniduretan, egokitzapena.

2.- **EPE, Gaztelagun** eta etxebizitza libreak **alokatzeko beste laguntza** batzuekiko bateraezintasuna:

- ✓ Alokairua

Honako hauek hartu behar dira kontuan **Emantzipa** laguntzari dagokionez:

1.- Bateragarriak dira alokairuko GLLekin

2.- Horren zenbatekoa GLLetarako diru-sarrera gisa zenbatzen da.

3.- Alokairurako GLLak gehi La ayuda Ñpa laguntzak ezin dute gainditu alokairuaren zenbatekoa.

### **3. Gastu espezifikoak**

**a.- Ohiko etxebizitza edo bizitokia izateko eta mantentzeko beharrezkoak diren gastuak, honako hauek barne:**

#### **1. Alokairu-gastuak.**

Kontzeptu horren **helburua** da ohiko etxebizitzaren alokairuak, baterako errentamenduak edo azpierrentamenduak, ostatuak eta apopilotzak eragindako gastuak ordaintzea, baldin eta:

- ✓ Eusko Jaurlaritzak edo beste administrazio batek sustatutako babes publikoko etxebizitza motaren batean sartuta ez badago.
- ✓ Alokairu-kontratuaren titularrak ezkontza bidez edo ezkontzaren antzeko beste harreman iraunkor baten bidez lotuta egotea, edo errentatzailearen eta errentariaren eta bizikidetzaren unitateko edozein kideren artean hirugarren mailarainoko odolkidetasun- edo ezkontza-ahaidetasuna izatea.

Nahitaezkoa izango da **Etxebiden alta** emanda egotea eta **Bizigune Programako** ezein etxebizitzari uko ez egitea, 65 urtetik gorakoei eta etxebizitza berean 10 urte baino gehiago daramatela egiaztatzen duten edo etxebizitza eskuratzeko baldintzak betetzen ez dituzten pentsiodunei izan ezik.

Alokairu-, baterako errentamendu-, azpierrentamendu-, ostatu- edo apopilotza-kontratuen titularrak **eskatu ahal izango** dute.

**Salbuespen** gisa, ohiko etxebizitzaren alokairua ordaintzeko laguntzak eskuratu ahal izango dituzte beste etxebizitza baten jabeek/gozamendunek, baldin eta ohiko etxebizitza utzi behar izan badute irisgarritasun faltagatik, desgaitasun-egoera batengatik edo egoera hori larriagotzeagatik, banantzeagatik edo

dibortzioagatik edo beste arrazoi batzuegatik, hala nola etxegabetzeagatik edo indarkeria matxistaren biktima izateagatik, besteak beste. Salbuespen hori **bi urtez** bakarrik mantenduko da, lehenengo eskaeratik aurrera.

Bi urte horietan, ez da zenbatuko jabetzan duzun etxebizitzaren katastro-balioa.

Eman beharreko **zenbatekoen mugak** aldatu egingo dira alokairua ordaintzeko laguntza eskatu duten bizikidetza-unitateen kopuruaren arabera.

- Bizikidetza-unitate errentari bakarra duten etxebizitzaren kasuan, **gehieneko muga hilean 300 eurokoa izango da**, eta ezin izango da alokairuaren prezioaren % 70 gainditu.

- Bizikidetza-unitateak, azpierreantamenduak edo ostatu- edo apopilotza-kontratuak dituzten etxebizitzaren kasuan, ez dira bi eskaera baino gehiago onartuko.

a.- Laguntzak eskatzen dituen bizikidetza-unitate baten kasuan, gehiengo muga **hilean 300 eurokoa** izango da, eta ezin izango du gainditu alokairuaren prezioaren edo, hala badagokio, baterako errentamenduagatik edo azpierreantamenduagatik ordaindutako zenbatekoaren % 70.

b.- Laguntzak eskatzen dituzten bi bizikidetza-unitateren kasuan, gehiengo muga **hilean 150 eurokoa** izango da, eta bien artean ezin izango dute etxebizitzaren % 80 gainditu.

- **Ostatuetan, hoteletan, pentsioetan eta legez eraturako gizarte-erakundeen etxebizitzetan** ostatu hartuz gero, mugak 300 eurokoak izango dira hilean bizikidetza-unitate (BU) bakoitzeko. Kasu horretan, bizikidetza-unitatearen muga ez da bi izango, establezimenduan **legez onartutako gela**-kopuruaren arabera baizik.

(Ikus III. eranskina)

### **Kontratu motaren arabera beharrezkoak diren dokumentuak:**

- **Alokairuko, baterako errentamenduko, ostatuko eta etxebizitza-apopilotzako** kontratua. Etxebizitzaren kontratuaren fotokopia aurkeztu beharko da. Maizterrak etxebizitza azpierrentan eman badu, azpierrentamendu-kontratuen kopia ere aurkeztu beharko du.

- **Azpierrentamendu**-kontratua. Azpierrentamendu-kontratuaren eta etxebizitzaren alokairuaren fotokopia aurkeztu beharko da, jabearen sinadurarekin, azpierrentan eman beharreko baimen gisa. Hori ezinezkoa den kasuetan, eskatzaileari zinpeko aitorten bat eskatuko zaio, errentariak alokairu-kontratuaren kopia bat eman nahi izan ez diola adieraziz. Hala ere, beti izango da beharrezkoa azpierrentamendu-kontratua, esku hartzen duten alderdiek sinatuta.

#### 2.- Etxebizitza berri bat instalatzearekin lotutako aparteko gastuak.

Kontzeptu horren **helburua** da etxebizitza bat abian jartzeak dakartzan gastuak ordaintzea, hala nola fidantza, horniduren alta eta etxebizitzaren bizigarritasunerako beharrezko egokitzapena.

Alokairuko etxebizitzaren kasuan, kontzeptu hori soilik baliatu ahal izango da fidantzaren gastuei eta horniduren altari aurre egiteko, etxebizitzaren bizigarritasunerako beharrezkoak diren gastuak jabearen kontura izango baitira.

Jabetzako etxebizitzaren kasuan, etxebizitzaren egokitzapena (bizigarritasunerako beharrezkoak diren konponketak eta/edo beharrezko altzariak) "konponketak eta instalazioak" eta "altzariak eta etxetresna elektrikoak" kontzeptuekin estaliko da, hurrenez hurren.

Kontzeptu horren gehieneko zenbatekoa 1.800 eurokoa da bizikidetzaren unitate baten kasuan, eta 900 eurokoa bi bizikidetzaren unitateren kasuan.



3.- Ohiko etxebizitza edo bizitokia erostearen ondorioz gizarte-larrialdiko egoeraren aurretik hartutako kredituen interesak eta amortizazioa.

Kontzeptu honen **helburua ohiko etxebizitza erosteko kredituen interesek eta amortizazioak eragindako gastuak estaltzea da.**

Ohiko etxebizitza erosteko kredituen titularrek **eskatu ahal izango dute.**

Ez da etxebizitzaren gaineko hipotekarik onartuko beste ondasun batzuk eskuratzeko edo bestelako gastuak ordaintzeko. Era berean, ez da hipotekarik onartuko babes publikoko ezein etxebizitza-motatan sartutako etxebizitzak eskuratzeko.

Hipoteka-maileguaren kontzeptuagatik GLLetarako ezarritako muga **5 urtekoa** izango da, GLLak aldatzen dituen urtarilaren 17ko 16/2017 Dekretua indarrean jartzen denetik aurrera. Hori ez zaie aplikatuko 65 urtetik gorako pentsiodunei.

Kontzeptu horrengatik jasotako laguntzak ez dira kontuan hartuko GLLei buruzko dekretuaren aldaketa indarrean jarri aurretik.

**Salbuespen** gisa, ohiko etxebizitza eroatera bideratutako kredituen interesek eta amortizazioak eragindako gastuetarako laguntzak eskuratu ahal izango dituzte beste etxebizitza baten jabeek/gozamedunek, baldin eta ohiko etxebizitza utzi behar izan badute irisgarritasunik ezagatik, desgaitasun-egoera batengatik edo egoera hori larriagotzeagatik, banantzeagatik edo dibortzioagatik edo beste arrazoi batzuegatik, hala nola etxegabetzeagatik edo indarkeria matxistaren biktima izateagatik, besteak beste. Salbuespen hori **bi urtez** bakarrik mantenduko da, lehenengo eskaeratik aurrera.

Bi urte horietan, ez da zenbatuko jabetzan duzun etxebizitzaren katastro-balioa.

**Gehieneko zenbatekoa 300 €** da hilean, eta ezin izango da benetako gastuaren % 70 gainditu, gizarte-larrialdiko egoeraren aurretik hartutako kredituen interes-eta amortizazio-gastuetarako.

(Ikus III. ERANSKINA).

**Beharrezko dokumentuak:** Interesdunari etxebizitzaren eta hipoteka-maileguaren eskriturak edo banketxearen ziurtagiria eskatuko zaio, mailegua ohiko etxebizitzari buruzkoa dela eta etxebizitza hori erostea dela egiaztatzeko, baita ordaindu beharreko hileko zenbatekoa ere. Banketxearen ziurtagiria ere aurkeztu ahal izango da, maileguaren helburua ohiko etxebizitza erostea dela adierazten duena.

*4.- Elektrizitatearen, gasaren edo etxean erabiltzeko bestelako erregaien horniduratik eratorritako energia-gastuak.*

Kontzeptu honen helburua energia-gastuak estaltzea da, hornidura elektrikoak eta zerbitzuko altek, gas-hornidurek edo etxean erabiltzeko bestelako erregaiak eragindakoak.

Hornidura-kontratuen titularrek eskatu ahal izango dute. Horniduren ordaintzaileek ere eskatu ahal izango dute, kontratuen titulartasuna aldatu ez den kasuetan.

**Gehienez 1.500** euro jasoko dira urtean BU baterako, edo **750** euro urtean 2 BUrako. Nolanahi ere, erabiltzaileak aurreko urtean egindako gastuaren gutxi gorabeherako balorazioa egingo da, eta balorazio horren arabera, eman beharreko zenbatekoa proposatzera bideratuko gaitu, bidegabeko kobrantzak saihesteko. (Ikus III. ERANSKINA).

**Beharrezko dokumentazioa:** gastua kalkulatzeko uneko urteko erakunde hornitzaileen fakturak edo ziurtagiriak. Azpierrentamenduaren/baterako errentamenduaren kasuetan, kontratuan zehaztu beharko da energia-gastuak etxebizitza-gastuaren zenbatekoan sartuta dauden ala ez. Hala ez bada, energia-gastu zehatzaren zenbatekoa zehazten duen errentatzailearen zinpeko aitorpena

baliozkotzat joko da eskaera eta ondorengo justifikazioa egiteko. Hala ez bada, ezin izango da gizarte-larrialdietarako laguntzarik izapidetu kontzeptu horrengatik.

5.- Ohiko etxebizitza edo bizitokia (ura, estolderia, zaborrak) erabiltzeko eta mantentzeko beharrezkoak diren gastuak, baita ondasun higiezinaren gaineko zergari (OHZ) dagozkionak ere.

Kontzeptu horren **xedea** da gastu hauek estaltzea: ura, estolderia, zaborra, OHZ eta jabeen erkidegoa, etxebizitzaren segurtasuna (etxeko eta komunitateko aseguruak, eraikinaren ikuskapen teknikoa eta gas-galdaren mantentze-lanak) eta erkidegoaren etorkizuneko obra baterako aurrezteko onartzen diren derramak (etorkizuneko obratzat hartzen da erkidegoak aurrekontu jakin baten gainean oraindik onartu ez duena). Ordainagirik ordainduta edo helbideratuta egon behar dute onuradunaren edo bizikidetzaren unitateko kideren baten izenean.

Hornidura-kontratuen titularrek eskatu ahal izango dute. Horniduren ordaintzaileek ere eskatu ahal izango dute, kontratuen titulartasuna aldatu ez den kasuetan.

**Gehienez 900 €** jasoko dira urtean BU baterako, edo **450 €** urtean 2 BUrako. Nolanahi ere, erabiltzaileak aurreko urtean egindako gastuaren gutxi gorabeherako balorazioa egingo da, eta balorazio horren arabera, eman beharreko zenbatekoa proposatzera bideratuko gaitu, bidegabeko kobrantzak saihesteko (ikus III. ERANSKINA).

**Beharrezko dokumentazioa:** urte honetako erakunde hornitzaileen fakturak edo ziurtagiriak, gastua kalkulatzeko. Azpierrementuaren/baterako errentamenduaren kasuan, kontratuan zehaztu beharko da mantentze-gastuak etxebizitza-gastuaren zenbatekoan sartuta dauden ala ez. Hala ez bada, eskaera eta ondorengo justifikazioa egiteko baliozkotzat joko da errentatzailearen zinpeko aitortpena, mantentze-gastu zehatzaren zenbatekoa zehazten duena. Hala ez bada, ezin izango da gizarte-larrialdietarako laguntzarik izapidetu kontzeptu

horrengatik. Derramen kasuan, administratzailearen/presidentearen dokumentua, aurrezkirako direla adierazten duena, zenbatekoa eta epea adierazita.

6.- Etxebizitzaren edo ohiko bizitokiaren bizi-garritasunerako eta oinarrizko ekipamendurako beharrezkoak diren gastuak. Honako hauek hartuko dira halakotzat:

6.1 "Linea zuriko" altzariak eta etxetresna elektrikoak.

**Altzarien kontzeptuaren barruan** soilik sartzen dira etxebizitza logelarako (somierra, koltxoia, arropa-armairua eta ikasketa-mahaia), jangelarako (mahaia eta aulkiak) eta sofarako erabiltzeko oinarrizko eta beharrezko elementuak.

**Altzarien kontzeptutik kanpo** geratzen dira dekorazio-elementuak, hala nola lanparak, alfonbrak, apalategiak edo gortinak.

"Linea zuriko" **etxetresna** elektrikoaren kontzeptuaren barruan soilik **sartzen dira** etxetresna elektriko hauek: hozkailua, bitrozeramika, labea, ke-erazgailua, garbigailua eta mikrouhin-labea.

Kontzeptu hori ezin izango da eman:

- a.- Etxebizitzako oinarrizko ekipamenduko bi elementu baino gehiago urte berean.
- b.- aurreko bi urteetan eman bada.
- c.- alokairuko etxebizitzaren kasuan, altzaririk gabe daudenean eta kontratuan horrela jasota dagoenean izan ezik.

Laguntza somier bat eta koltxoi bat eskuratzeko eskatzen denean, elementu bakar gisa zenbatuko da.

Laguntza ikasketa-mahai bat eta aulki bat erosteko eskatzen denean, elementu bakar gisa zenbatuko da.

4/2011 Dekretuaren 11.2 artikularen arabera, kontzeptu horren **gehieneko zenbatekoa** % 50 murriztuko da, hau da, **925 €**. (Ikus III. ERANSKINA)

Altzari-elementu bakoitzeko gehieneko muga honako hau izango da:

- 90 cm-ko somierra: 150 euro
- 135/150 cm-ko somierra: 300 euro
- 90 cm-ko koltxoia: 250 euro
- 135/150 cm-ko koltxoia: 450 euro
- Arropategi-armairua: 300 euro
- Ikasketa-mahaia: 90 euro
- Jantokiko mahaia: 120 euro
- Aulkia: 50 euro
- Sofa: 450 euro

Etxetresna elektriko bakoitzeko gehieneko muga honako hau izango da:

- combi hozkailua: 450 €
- bitrozeramika: 250 €
- labea: 250 €
- ke-kanpaia: 100 €
- garbigailua: 300 €
- mikrouhin-labea: 75 €
- Erradiadore elektriko indibiduala: 80 €

**Beharrezko dokumentazioa:** Interesdunari 2 aurrekontu eskatuko zaizkio edo, bestela, gastuari dagozkion fakturak. Zenbatekoa zehazteko kalkulua zenbateko txikieneko aurrekontuaren gainean egingo da. Aurrekontu horrek kontzeptuaren gehieneko zenbatekoa gainditzen badu, gehieneko zenbateko horren arabera kalkulatu da laguntza.

6.2 Etxebizitzaren egokitzapen- edo konponketa-gastuak eta/edo oinarrizko instalazioak.

Kontzeptu honen **xedea** konponketen ondoriozko gastuak dira, bai jabeen erkidegoari eragiten diotenak, bai eskatzaileak ohiko etxebizitzaren barruan egiten dituenak.

**Konponketak komunitate** osoari eragiten badio, komunitateko administrazioaren dokumentua eskatuko da. Dokumentu horretan adierazi beharko da obra erkidegoak onartu duela eta eskaeraren urtean egiten ari dela edo egingo dela, bai eta eskatzaileak eskaeraren urtean ordaindu beharreko zenbatekoa ere.

Pertsonak gastu hori estaltzeko dirulaguntzaren bat jasotzen duela egiaztatzen denean, GLLak osagarritasun-irizpidearen arabera arautuko dira, eta bi prestazioen artean ez dute inoiz konponketaren benetako kostua gaindituko.

Etxe barruko konponketen kasuan, 2 aurrekontu eskatuko zaizkio interesdunari, edo, bestela, gastuari dagozkion fakturak, GIZATEKen eskaeraz gain. Bizkaiko Foru Aldundiaren 181/2021 FORU DEKRETUAREN I. eranskinean jasota dauden elementuetarako irisgarritasuna hobetzen den kasuetarako (181/2021 Foru Dekretua, abenduaren 28koa, zeinaren bidez onartzen baita 2022an eta 2023an GIZATEKen sartuta dauden eta mendekotasuna edo desgaitasuna duten pertsonentzako laguntza-produktuak eskuratzeko dirulaguntzen deialdi publikoa).

Kontzeptu honetan sartzen da:

- Obrak egiteko materialak ordaintzea, eskatzaileak obrak egiten dituenean.
- Galdarak, termo elektrikoak, erradiadoreak, leihoak, bainugelako manparak, atek eta arropa-esekitokiak erosteko eta instalatzeko gastuak.

Ezin izango dute etxe barruko konponketen kontzeptu hori eskatu azken bi urteetan etxe horretarako GLLa jaso dutenek.

**5.2 paragrafoko zenbatekoa** zehazteko kalkulua zenbateko txikieneko aurrekontuaren gainean egingo da. Aurrekontu horrek kontzeptuaren gehieneko zenbatekoa gainditzen badu, gehieneko zenbateko horren arabera kalkulatu da laguntza.

4/2011 Dekretuaren 11.2 artikulua araber, kontzeptu horren gehieneko zenbatekoa % 50 murriztuko da. Hau da, kontzeptu horretarako benetako zenbatekoa 925 € izango da (ikus III. ERANSKINA).

***b. Bizikidetzaren unitateko kide baten edo gehiagoren oinarrizko premiei dagozkien gastuak, hala nola jantziak, hezkuntza eta prestakuntza eta osasun-arreta, sistema publikoek estaltzen ez dituztenak.***

Kontzeptu horren **xedea** honako gastu hauek dira:

1.- Oinarrizko premiei lotutako gastuak (jantziak, elikadura eta hezkuntza)

Oinarrizko premiei lotutako gastuetarako laguntzen kasuan, GLLak emateko baldintza orokorrean gain, ezin izango da gastu horiek estaltzeko prestazio publikorik eduki eskaera egiten den unean, ezta 300 eurotik gorako diru-sarrerara propiorik ere hilean.

Kontzeptu horren gehieneko zenbatekoa 125 € izango da hilean, eta urtean 1.500 € gehienez (ikus III. eranskina).

2.- Osasunari lotutako gastuak:

Hortz-konponketak, betaurrekoak/lentillak, ortopedia eta/edo audifonoak eta Gizarte Segurantzak edo adingabeen hortz-tratamenduetarako PADI programak estaltzen ez dituen beste osasun-gastu batzuk (sendagaiak barne) barne hartzen ditu.

- **Hortz-konponketetan**, 2 aurrekontu eskatuko zaizkio interesdunari, tratamendua hasita dagoenean izan ezik; kasu horretan, hasitako tratamenduari dagokiona eskatuko zaio (edo, bestela, faktura). Hortz-implanteak eta ortodontziak ez dira GLLen bidez kontuan hartuko edo estaliko, salbu eta osasunari lotutako arrazoiengatik premia dagoela bermatzen duen txosten fakultatiboa badago.

**Betaurrekoak/lentillak** erosteko, 2 aurrekontu eskatuko dira (edo, halakorik ezean, fakturak), eta premia aipatzen duen txosten fakultatiboa.

**Audifonoen eta ortopediaren** gastuetan, 2 aurrekontu eskatuko dira (edo, halakorik ezean, fakturak), eta premia aipatzen duen txosten fakultatiboa. Era berean, aldeztu aurretik GIZATEKi dirulaguntza eskatu beharko zaio audifonoak eta elementu lagungarriak eskuratzen badira, eta horiek Bizkaiko Foru Aldundiaren abenduaren 28ko 218/2023 FORU DEKRETUAREN I. eranskinean jasota badaude. Foru Dekretu horren bidez, GIZATEKen integratuta dauden eta 2024-2025 urteetan (biak barne) mendekotasuna edo desgaitasuna duten pertsonentzako laguntza-produktuak eskuratzeko dirulaguntzen oinarri arautzaileak eta deialdi publikoa onartzen dira.

**Gizarte Segurantzak bere gain hartzen ez dituen osasunarekin lotutako beste gastu batzuetan** (tratamendu psikologikoa, arreta goiztiarra, tratamendu onkologikoaren ondorengo osagarriak, logopeda, ortopedia eta podologia), **2 aurrekontu** eskatuko dira, eta premia hori aipatzen duen txosten fakultatiboa.

**Gizarte Segurantzak estaltzen ez dituen sendagaien** kasuan, medikuaren txostena eskatzen da, sendagai hori aukeratu behar dela adierazten duena.

Ezin izango dute kontzeptu hori eskatu azken bi urteetan, pertsona bakoitzeko, GLLa jaso dutenek, adingabeentzako sendagaien eta laguntzen kasuan izan ezik.

Osasunarekin zerikusia duten gastu guztietan, zenbateko txikiena duen aurrekontuaren gainean kalkulatu da zenbatekoa. Aurrekontu horrek kontzeptuaren gehieneko zenbatekoa gainditzen badu, gehieneko zenbateko horren arabera kalkulatu da laguntza.

**2024ko urriaren 1etik aurrera, ezingo da kontzeptu hori eskatu hortz-konponketetarako, betaurreko/lentilla edo audifonoetarako, urte horretan egindako gastua bermatzen duen fakturarekin izan ezik.**



Premia primarioei buruzko b) ataleko kontzeptuengatiko gehieneko zenbatekoa 1.850 eurokoa izango da, betaurreko/lentillen kasuan izan ezik; kasu horretan, gehienez 320 euro emango dira betaurreko edo lentilla bakoitzeko. (Ikus III. eranskina).

Oinarrizko premien eskatzaile batek oinarrizko premiak betetzeko eskubidea badu, oinarrizko premien zenbatekoa emango da lehenik, eta gainerako zenbatekoa lehen mailako premietarako emango da.

**c-Aldez aurreko zorpetzea, a) eta b) idatz-zatietan adierazitako gastu-kontzepturen batek edo bizitzako oinarrizko beste premia batzuei erantzuteko egin beharreko gastuek eragindakoa.**

Kontzeptu horren helburua da a) eta b) ataletan jasotako GLLetako edozein kontzeptutan zorrak eragindako gastuak estaltzea, bai eta bizitzako oinarrizko beste premia batzuei erantzuteko beharrezkoak diren gastuak estaltzea ere.

Zorpetzea uneko urteko edo aurreko urteetako ez-ordaintzeetatik eratorri ahal izango da, baldin eta ez bada gizarte-larrialdietarako laguntzarik edo bestelako prestaziorik jaso zorpetzea sortu duten gastuak estaltzeko. Zorra efektiboa ez denean ere eman daiteke, baldin eta zorra hartzeko arriskua berehalakoa edo saihestezina bada.

**c atal honetan gehienez eman daitekeen zenbatekoa** kontzeptu bakoitzerako berariaz ezarritakoa izango da. Inolaz ere ezingo da **3.000 €**-tik gorakoa izan bizikidetzaren unitate baten kasuan, ez eta **1.500 €**-tik gorakoa ere 2 BUren kasuan (ikus III. ERANSKINA).

Arestian adierazitakoa alde batera utzi gabe, alde aurreko zorpetze-gastuengatiko urteko gehieneko zenbatekoak ezin izango ditu kasu bakoitzean kontzeptu horietarako aurreikusitako gehieneko zenbatekoak gainditu.

#### **4. Eskaerak egiteko epeak.**

**2024ko GLLak eskatzeko epea apirilaren 23an hasiko da, eta azaroaren 9an amaituko.** Hala ere, GLLak aurrez aurre eskatzen direnez oinarrizko gizarte-zerbitzuarekin hitzordua hartuta, epea azaroaren 9a baino lehen amaitu ahal izango da, baldin eta hitzordurik geratzen ez bada.

#### **5.- Eskabideak eta erantsi beharreko agiriak:**

Eskatzaileak honako agiri hauek aurkeztu ahal izango ditu eskabidearekin batera, behar bezala formalizatuta:

- a) **Datuak kontsultatzeko eta egiaztatzeko oposiziorik eza**, 16 urtetik gorako pertsona guztiek sinatuta, Getxoko Udalaren ereduaren arabera (DN 339).
- b) **Erantzukizunpeko adierazpena eta datuak kontsultatzeko baimena, Eusko Jaurlaritzaren ereduaren arabera.**
- c) Ordezkaritzaren egiaztagiria, eredu normalizatuaren arabera, onuraduna ez den beste pertsona batek aurkeztutako eskaeren kasuan.
- d) Familia-liburuaren fotokopia eta/edo, hala badagokio, zaintza eta jagoletza edo tutoretza egiaztatzen duten agiriak, lehenago aurkeztu ez badu.
- e) Banantze-epaia eta hitzarmen arautzailea edo, hala badagokio, banantze-demanda, lehenago aurkeztu ez badu, eta azken ordainketaren fotokopia, halakorik badago.
- f) Indarkeria matxistaren biktima izanez gero, administrazio-egiaztagiria aurkeztu beharko da.
- g) Besteren konturako langileak: lan-kontratua eta uneko urteko nominak. Norberaren konturako langileen kasuan, uneko urteko BEZaren hiruhileko aitortpenak eta Gizarte Segurantzari egindako ordainketen kopia.
- h) Gaztelagun alokairua ordaintzeko laguntza jasoz gero, laguntza jaso izanaren egiaztagiria.
- i) Enplegu-eskatzailearen ziurtagiria.
- j) Jatorrizko herrialdeko ondasunen ziurtagiria edo erantzukizunpeko adierazpena, eredu normalizatuaren arabera.

k) Beste udalerrri batzuetatik lekualdatuz gero, uneko urtean GLLa jaso den edo ez adierazten duen ziurtagiria.

l) Banku-saldoak, eredu normalizatuaren arabera.

m) Banku-helbideratzearen orria eta, hala badagokio, banku-endosuarena, eredu normalizatuaren arabera.

n) Beharraren egiaztapenari buruzko dokumentuak, kontzeptu bakoitzaren arabera.

Administrazio Publikoen Administrazio Prozedura Erkidearen 39/2015 Legeak 28. artikuluan ezartzen duenez, interesdunek eskubidea dute dagoeneko administrazio jardulearen esku dauden edo beste edozein administraziok egindako dokumentuak ez aurkezteko.

Getxoko Udaleko gizarte-zerbitzuek dokumentu horiek kontsultatu edo eskuratu ahal izango dituzte, salbu eta interesduna horren aurka agertzen bada arrazoiak emanez. Kasu horietan, interesdunak laguntza izapidetzeko behar den dokumentazioa aurkeztu beharko du.

Izaera pertsonaleko datuen tratamendua legitimatuta dago interes publikoaren izenean edo Getxoko Udalari berari emandako botere publikoaren izenean burututako eginkizun bat betetzean, honako hauetan aurreikusitakoaren arabera:

- DBEO: 6.1.a) Interesdunak baimena eman zuen bere datu pertsonalak helburu zehatz baterako edo batzuetarako tratatzeko.
- DBEO: 6.1.c) Tratamenduaren arduradunari aplikagarri zaion legezko betebeharrak bat betetzeko beharrezkoa den tratamendua.
- 7/1985 Legea, apirilaren 2koa, toki-araubidearen oinarriak arautzen dituen
- 2/2016 Legea, apirilaren 7koa, Euskadiko Toki Erakundeei buruzkoa
- 38/2003 Lege Orokorra, azaroaren 17koa, Dirulaguntzei buruzkoa.

Getxoko Udalak egiaztatuko du araudi honetan prestazio/laguntza/dirulaguntza/beka hau eskuratu eta mantentzeko ezarritako

baldintzak betetzen diren, administrazio publikoen bitarteko telematikoen bidez jasotako informazioaren arabera.

## **6. Ebazpena eta jakinarazpena:**

Eskaera guztiak idatziz ebatzi eta jakinaraziko zaizkio interesdunari, gehienez ere bi hilabeteko epean. Adierazitako epean berariazko ebazpenik ematen ez bada, eskaera ezetsi egin dela ulertuko da, urtarrilaren 18ko 4/2011 Aginduaren 19. artikulua arabera. Nolanahi ere, ukapena berariaz jakinarazi beharko da. Emateko edo, hala badagokio, ukatzeko edo atzera egiteko ebazpena arrazoitu egin beharko da, eta udalak eskatzaileari jakinaraziko dio, egintza eman eta hamar eguneko epean.

## **7. Laguntzaren justifikazioa.**

Laguntzak justifikatzeko, eman diren kontzeptuei buruzko ordainagiriak eta/edo jatorrizko fakturak aurkeztu beharko dira, eta beste erakunde batek emandako dirulaguntzaren bat jaso bada, horren ebazpena aurkeztu beharko da.

Honako laguntza hauek justifikatutzat joko dira:

- **Alokairuaren (modalitate guztietan), interesen eta kredituen amortizazioaren** kontzeptuetan, honako hauek aurkeztu beharko dira: emandako aldiaren ordainagiri **guztiak**, etxebizitzaren jabearen izena jasotzen duen bankuaren ordainagiriak edo jabearen sinadura eta NANA eta erabiltzailearen oniritzia dituen hartu-agiria.
- Etxebizitzako **energia-, gas- eta ur-gastuetarako**, ordaindutako fakturen ziurtagiria/laburpena aurkeztu beharko dute, erakunde hornitzaileak egina, eta **emandako zenbatekoa adinakoa, gutxienez**. Ziurtagiriak/laburpenak laguntzaren onuradunaren izenean egon beharko du, azpierrementamenduen eta tutoretzapeko apartamentuen kasuetan izan ezik; kasu horietan, ontzat emango dira titularraren izenean dagoen ordainagiria eta ordainagiria jasotzen duen banku-laburpena. Halaber, ontzat emango dira titularraren izenean dagoen ordainagiria eta ordainagiria, enpresa hornitzaileek laburpen-ziurtagiria ematen ez badute edo

ziurtagiri horrek kontsumoak ordaindu direla zehazten ez badu. Justifikazioa egiterik ez dagoen gainerako kasuak banaka baloratuko dira.

- Etxebizitza berri bat, **altzariak eta "Linea Zuria" etxetresna elektrikoak instalatzea**, Egokitzenak, **konponketak eta/edo instalazioak eta Oinarrizko beharrak** kontzeptuetan, **emandako zenbatekoaren pareko zenbatekoa** duten fakturak aurkeztu beharko dira gutxienez.

- **Oinarrizko premien** kontzeptuan ez da beharrezkoa izango justifikazioa.

Zenbaki honetan aurreikusi ez denari Dirulaguntzei buruzko azaroaren 17ko 38/2003 Lege Orokorraren 30. artikuluan xedatutakoa aplikatuko zaio.

**Justifikatzeko epea 2025eko urtarrilaren 31n amaituko da.**

Gastuak justifikatzeko epea amaitu baino lehen egin beharko dira. Gastu bat eginda dagoela ulertuko da ordainduta dagoenean.

Laguntza justifikatzen ez bada, prestazioak itzultzeko prozesua hasiko da.

GLLen onuradunek idatziz eskatu ahal izango dute laguntza, osoa edo partziala, borondatez itzultzeko, laguntza itzultzeko prozedura hasteko Dekretua onartu aurretik, Dirulaguntzei buruzko Legearen Erregelamendua arautzen duen uztailaren 21eko 887/2006 Errege Dekretuaren 90. artikuluan araututakoaren arabera.

### **8. Erreferentziako legeria.**

- 4/2011 Legea, azaroaren 24koa, hura aldatzen duena.
- 38/2003 Lege Orokorra, azaroaren 17koa, Dirulaguntzei buruzkoa.
- 887/2006 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorraren Erregelamendua onartzen duena.

4/2011 Dekretua, urtarrilaren 18koa, gizarte-larrialdietarako laguntzak arautzen dituen.

- 16/2017 Dekretua, urtarrilaren 17koa, Gizarte Larrialdietarako Laguntzei buruzko Dekretua aldatzen duena.

- Getxoko Udalaren eta haren erakunde autonomoen Dirulaguntzen Ordenantza Orokorra, 2021eko abenduaren 23ko osoko bilkurak onartua eta behin betiko argitaratua BAOn (52. zk., 2022ko martxoaren 16koa).

- **AGINDUA, 2024ko martxoaren 27koa**, bigarren lehendakariorde eta Lan eta Enpleguko sailburuarena eta Berdintasun, Justizia eta Gizarte Politiketako sailburuarena, zeinaren bidez ezartzen baitira, 2024rako, gizarte-larrialdietarako laguntzetako gastu espezifiko bakoitzeko gehienez eman daitezkeen dirukopuruak, laguntza horietarako ezarritako kredituak banatzeko irizpideak eta Euskal Autonomia Erkidegoko lurralde historiko eta udal bakoitzari 2024rako dagokion aurrekontu-muga.

Getxo, 2024ko apirilaren 24

Igone Blanco Fdez.

**Gizarte Zerbitzuko koordinatzailea**

## 9.- I. eranskina: Diru-sarreraren arabera eman beharreko zenbatekoen mugak

Osagarri-mota	Osagarriak	%	Euroak
Oinarrizko zenbatekoa	Bizikidetzaren Unitatea (B.U.)		560,45 €
Banakako osagarriak bizikidetzaren unitateko kide bakoitzeko (B.U. ko pertsonak)	Titularra	50%	280,23 €
	2.heldua	50%	280,23 €
	Gainerako kideak	30%	168,14 €
Bizikidetzaren unitatearen ezaugarriari lotutako osagarriak	Pentzioduna	40%	224,18 €
	Guraso bakarrekoa, Gizakien salerosketaren, genero-indarkeriaren, sexu-esplotazioaren edo etxeko indarkeriaren biktimak Desgaitasuna $\geq 33\%$ , mendekotasuna	25%	140,11 €

Bizikidetzaren unitate espezifiko baterako gehieneko zenbatekoaren ehunekoen taula eraikitzeko, nahikoa da 14/2022 Legearen 32., 33. eta 34. artikuluen arabera bizikidetzaren unitateari dagokion gehieneko errenta bermatua kalkulatzeko eta honako formula hau aplikatzeko:

B.U. urteko diru-sarrerak mugatzen ditu, GEHren arabera, eurotan

% max. Aplikagarri	GEH
% X	= BIRIBILDU $((200-x)*GEH*12/100;2)$

Non X = 100, 99, 98..., 50

**10. II. eranskina: ondarearen arabera eman beharreko zenbatekoen muga:**

<b>ONDAREA</b>	<b>DAGOKION %</b>
< 15.132,24€	100%
> 15.132,24€ < 30.264,48€	75%
> 30.264,48€ < 40.348,64€	50%



### 11: III. ERANSKINA. 2024rako ZENBATEKOAK

KONTZEPTUA	KONTZEPTUAK, BANAKATUTA	GASTUAREN GAINEKO MUGA	4/11 DEKRETUAREN 11.2. ARTIKULUAN OINARRITUTAKO MUGA	
			URTEKO ZENBATEKOA	HILEKO ZENBATEKOA
<b>a) Ohiko etxebizitza edo edo alojamendua eduki eta mantendu ahal izateko beharrezkoak diren gastuak, besteak beste:</b>				
1.- Etxebizitzaren alokairua	1 bizikidetzaren unitate Alokairua/ partekatutako errentamendua-azpierrementamendua	Gastu errealearen % 70 baino gutxiago	3.600 €	300 €
	2 bizikidetzaren unitate	Gastu errealearen % 80 baino gutxiago	1.800 €	150€
	Ostatuetan, ostatu-hoteletan eta gizarte-erakundeen etxebizitzetan ostatu hartzea	Logela-kopuruaren arabera	3.600 €	300 €
2.- Kredituen amortizazioa eta interesak	1 bizikidetzaren unitate	Gastu errealearen % 70 baino gutxiago	3.600 €	300 €
3.- Energia-gastuak, gasarenak edo etxean erabiltzen diren bestelako erregaiak.	1 bizikidetzaren unitate		1.500 €	125 €
	2 bizikidetzaren unitate		750€	62,50 €
4.- Uraren, zaborren, estoldaren, OHZren, etxeko aseguruaren, ElTaren gastuak.	1 bizikidetzaren unitate		900 €	75 €
	2 bizikidetzaren unitate		450€	37,50 €
5.- Linea zuriko altzarien eta etxetresna elektrikoaren gastuak.	Somiera Koltxoia Arropa-armairua Ikasteko mahaia Jantokiko mahaia Aulkia Sofa Konbi hozkailua Bitrozeramika Labea Ke-kanpaia Arropa-garbigailua Mikrouhin-labea Banakako radiadore elektrikoa	300€ 450€ 300€ 90€ 120€ 50€ 450€ 450€ 250 € 250 € 100 € 300 € 75 € 80 €	925 €	
6.- Egokitzapenak, konponketak edota instalazioak egiteko gastuak			925 €	
7.- Etxebizitza berri bat instalatzearekin lotutako aparteko gastuak, hala nola fidantza, horniduretan alta ematea, egokitzapena eta beste batzuk.	1 bizikidetzaren unitate		1.800€	
	2 bizikidetzaren unitate		900€	
<b>b) Lehen mailako beharrianetarako gastuak</b>				
1.- Oinarrizko beharrianetarako lotutako gastuak		1.500 €		125 €
2.- Osasunari lotutako gastuak	Hortzetako konponketak Betaurrekoak/lentillak Audiofonoak/ortopediak/ Bestelako osasun-gastuak	1.850€ 320 € 1.850 € 1.850€	1.850 €	
<b>c) Aldez aurretiko zorpetzea, aurreko ataletan aipatutako gastu-kontzepturen batean sortuak</b>				
Aurreko ataletako eman beharreko gehienez	1 bizikidetzaren unitate		3.000 €	
	2 bizikidetzaren unitate		1.500€	